



## Press release

# Mikrokreditna fondacija "Prizma" uspješno završila ljetnu kampanju "Prizmin kredit sa 5 zvjezdica"

## Za samo dva mjeseca plasirali preko 25.000 kredita i dodijelili 555 nagrada!

Mikrokreditna fondacija "Prizma" je u nedjelju 12. oktobra u svom regionalnom centru Banjaluka upriličila svečanu dodjelu glavnih nagrada u sklopu ljetne kampanje "Prizmin kredit sa 5 zvjezdica".

Treću nagradu, mobitele samsung M600 osvojili su Dragan Palačković iz Banjaluke i Željko Karlica iz Prijedora, dok je drugu nagradu LCD TV samsung 32" osvojio Mišo Marković iz Šipova. Dobitnica glavne nagrade "Život sa Prizmom" je Darinka Samarđžić iz Doboja. Inače, u ovoj nagradnoj igri, koja je provedena pod zaštitnim znakom "555" "Prizma" je podijelila 555 vrijednih nagrada, od kojih je najvrednija i ujedno glavna nagrada "Život sa Prizmom".



Koncept nagrade zasnovan je na misiji i viziji "Prizme" i predstavlja finansiranje troškova života godinu dana u vrijednosti od 500 KM mjesečno. Dodijeljeno je šest glavnih nagrada i to po jedna u svakoj regiji u kojoj "Prizma" djeluje (Banjaluka, Bihać, Mostar, Sarajevo, Tuzla i Zenica). Ove vrijedne nagrade dobitnici su osvojili kao korisnici "Prizminog kredita sa 5 zvjezdica".

Ono što je razlikovalo ovu kampanju od ostalih bio je izuzetno bogat fond nagrada, a sama kampanja je radena u saradnji sa strateškim partnerom, koji je jedan od vodećih telekom operatera u BiH.

Po riječima Ljubomira Simića, šefa Ureda Banjaluka, ova kampanja je na području Regije Banjaluka naišla na veliku zainteresovanost i odziv građana.

*"Ovom prilikom bih naglasio da je zahvaljujući dobro provedenoj ljetnoj kampanji mikrokreditna fondacija "Prizma" potvrdila svoju lidersku poziciju na tržištu mikrofinansija u Bosni i Hercegovini. Takode, istakao bih da je zahvaljujući velikom odzivu klijenata "Prizma" proširila svoje operacije i na regije u kojima do sada nije bila prisutna u značajnoj mjeri."*

Po riječima generalnog direktora, gospodina Kenana Crnkića, "Prizma" iz preko 40 filijala djeluje na cjelokupnom prostoru Bosne i Hercegovine i upošljava blizu 200 mladih i visoko motivisanih uposlenika, a u svom dosadašnjem radu je isplatila preko 165.000 kredita u ukupnom iznosu od preko 240 miliona KM. Trenutno opslužuje blizu 60.000 klijenata i ima portfolio od preko 70 miliona KM."



Pored izuzetno dobrih ostvarenih rezultata, ova organizacija je i dobitnik velikog broja prestižnih domaćih i međunarodnih nagrada i priznanja od kojih se posebno ističu nagrada za visoki nivo transparentnosti u poslovanju i finansijskom izvještavanju, koju dodjeljuje CGAP i Svjetska banka, nagrada Ujedinjenih nacija za najbolje prakse u poslovanju, te nagrada za najpoželjnijeg poslodavca u 2008. god."

Pokazatelj koliko je kampanja bila uspješna govori i činjenica da je "Prizma" u periodu od samo dva mjeseca stekla preko 25.000 novih klijenata, što predstavlja rast u broju klijenata od preko 60%.

Sarajevo, 05.10.2008. godine  
Mikrokreditna fondacija "Prizma"